

Suara dari Tanah Suci:

Khusbah Jumaat dari Masjidil Haram

Oleh: Faqīlāh Shaykh Abdullāh Khayāt

Imam Besar Masjidil Haram

Al-hamdu lāh alladhi aghzana bi al-Islām, aḥmaduhu, subḥānahu wahuwa ṣāḥibū al-faḍlu wa al-an‘ām, wa aṣḥadu an lā ilāha illā Allāh wāḥdahu lā sharīka lahu, wa aṣḥadu anna sāyidinā Muḥammadā ‘abduhu wa rasūluhu sāyidi al-anām, Allāhūmma ṣallī wa sallam ‘ala ‘abdika warasūlikā Muḥammad, wa ‘ala alīhi waṣaḥbihi ... amma ba‘du fayā ‘ibād Allāh ittaqū Allāh!

Terjemahan: Wahyu Qalam

Wahai sekalian hamba Allah, takutilah kamu akan Allah

Islam telah mempersatukan umatnya dari tiga jurusan, yang mana jika sekalian umat Islam mengikuti dan mematuhi tiga dasar persatuan yang telah diatur oleh Islam, nescaya mereka akan menjadi suatu umat yang kuat, umat yang gagah perkasa dan umat yang akan mencapai segala nikmat hidup di alam dunia dan di alam akhirat.

Persatuan yang pertama: ialah persatuan beragama. Bersatu menerima risalah Tuhan yang dipersampaikan oleh junjungan besar Nabi Muhammad *sallā Allāhu ‘alayhi wa sallam*. Mengakui akan keesaan Allah *subḥānahu wa ta’ālā* dan mengakui akan kerasulan Nabi Muhammad *sallā Allāhu ‘alayhi wa sallam*. Nabi Muhammad adalah diutus Allah kepada sekalian umat manusia yang berada di seluruh dunia, sama ada manusia itu berwarna putih, merah mahu pun hitam. Sebagaimana firman Allah di dalam kitab suci al-Qur'an:

“Qul yā ayyuhā al-nāsū, innī rāsūlu Allāhi ilaykum jami‘ā” (*Sūrah al-A'raf*

ayat 158). Ertinya: "Katakan olehmu – wahai Muhammad – wahai sekalian manusia! Sesungguhnya aku adalah utusan Allah kepada kamu semua".

Persatuan yang kedua: ialah sama-sama mempersatukan kebesaran agama Allah. Mempersatukan kebesaran agama Allah bererti menunaikan segala kewajipan yang diperintahkan Allah dengan secara sama rata, tidak ada perbezaan di antara manusia besar dengan manusia kecil, di antara manusia kaya dengan manusia miskin dan di antara manusia berpangkat dengan rakyat jelata, malahan sewaktu menjalankan segala kewajipan yang diperintahkan Tuhan itu hendaklah dilakukan dengan secara adil dan saksama.

Persatuan yang ketiga: ialah persatuan kiblat menghadap ke arah *jihāt* yang satu di dalam mengerjakan amal ibadat. Allah *subḥānahu wa ta’ālā* telah memerintahkan Nabi Ibrahim al-Khalīl membina Baitullah al-a‘zīz sebagai menjadi kiblat yang tunggal yang akan dihadapi oleh orang-orang Islam yang menjadi

penganut agama Allah dari seluruh pelusuk lingkungan alam sebanyak lima kali dalam sehari semalam. Selain dari itu di dalam seumur hidup mereka diwajibkan menziarahi rumah suci itu sekali sahaja dengan perantaraan ibadat haji dan umrah dengan cara yang satu dan pakaian yang sama fesyennya.

Sidang Jumaat yang mulia:

Dengan wujudnya ketiga-tiga persatuan yang dianjurkan oleh Islam ini, maka dengan tidak syak lagi menunjukkan bahawa Islam adalah suatu agama yang menuju ke arah persatuan dan perpaduan seluruh umat manusia di muka bumi ini. Dengan risalah suci yang dibawa oleh Islam, akan hiduplah umat manusia seluruhnya di dalam suatu masyarakat yang aman damai di bawah naungan sehelai panji-panji yang bertulis padanya kalimah *al-tawhīd*: "*Lā ilāha illā Allāh, Muḥammad Rasūlu Allāh*". Persatuan ini dapat dirasakan oleh setiap manusia yang telah mengakui akan keesaan Allah *subḥānahu wa ta’ālā* dan mengakui pula

Khutbah Jumaat . . .

akan kerasulan Nabi Muhammad *sallā Allāhu 'alayhi wa sallam* pada masa mereka menghadapkan muka mereka ke arah kiblat sebanyak lima kali dalam sehari semalam dan pada masa mereka mengunjungi sendiri kiblat yang mereka hadapi dari jauh itu di waktu mereka mengerjakan amalan haji dan umrah.

Firman Allah: "*Innahādhihi ummatukum ummata wāhidata, wa anā rabbukum fā 'budūn*". Ertinya: "Sesungguhnya umat kamu ini umat yang satu, dan aku Tuhan kamu, sebab itu sembahlah Aku." (*Sūrah al-Anbiyā' 92*). Sesungguhnya mempersatukan kepercayaan, mempersatukan barisan, mempersatukan matlamat dan memperkuuhkan ikatan persaudaraan di antara sesama manusia khasnya di antara sesama umat Islam yang telah dianjurkan oleh Nabi *sallā Allāhu 'alayhi wa sallam* dari sejak permulaan Islam, adalah meninggalkan kesan-kesan yang besar sekali ertiya dari segi mempertingkatkan taraf hidup sesuatu umat di dalam perjuangan mereka menegakkan kemuliaan agama Allah, kerana konsep persatuan yang dibawa oleh Islam adalah suatu konsep yang luas, meliputi seluruh manusia penghuni alam, bukannya sesuatu konsep yang sempit dan terbatas kepada sesuatu bangsa atau golongan manusia sahaja seperti mana konsep-konsep persatuan yang didapati di dalam ajaran-ajaran agama Yahudi, suatu bangsa yang dianggap Tuhan sebagai bangsa yang munafik dan bermuka dua sebagaimana yang disifatkan oleh Tuhan di dalam al-Qur'an dengan

firman-Nya: "*Taḥsabuhum jam'iāt wa qulābuhum shattā, dhalika bi'annahum qawmu lā ya'qilūn*" Ertinya: "Engkau kira mereka itu bersatu padu, tetapi sebenarnya hati mereka bercerai berai, yang demikian itu lantaran mereka suatu kaum yang tidak beraka" (*Sūrah al-Hasyr 14*).

Tetapi berlainan sekali dengan sifat orang-orang Islam. Hati-hati mereka bertumpu kepada Allah dan menyintai agama dengan secara jujur ikhlas. Sifat-sifat ini memang diakui oleh Tuhan di dalam suatu firman-Nya yang berbunyi": "*Muhammadu rasūlu Allāh, wa alladhīna ma'ahū ashiddā'u 'alā al-kuffāri ruḥamā'u baynahum*." Ertinya: "Muhammad itu rasul (utusan) Allah, orang-orang mukmin yang bersama dengannya sangat keras terhadap orang-orang kafir, berkasih-kasihan di antara satu sama lain." (*Sūrah al-Fath 29*):

Wahai sekalian kaum Muslimin:

Ayat di atas membayangkan bahawa masyarakat orang-orang Islam di zaman silam adalah tegas, segala apa mereka katakan itulah yang mereka kotakan, tidak ada sifat pura-pura, munafik dan bermuka dua pada mereka. Apalagi mengadakan sesuatu konsep baru yang menyeleweng dan terkeluar daripada konsep-konsep Islam yang sebenarnya. Kerana mereka menganggap selain daripada konsep-konsep yang dibawa Islam semuanya itu adalah palsu dan lencongan yang membawa kepada keruntuhan dan perpecahan. Konsep Islam itu tetap dengan dasar keislamannya, ia bukan konsep perkauman, bukan konsep *sosialist* dan bukan pula konsep keras membeku yang pernah dikatakan "agama kolot" oleh setengah-setengah orang yang berpendidikan Barat di zaman ini.

Walau apa sekali pun orang mahu katakan bahawa Islam itu tetap Islam. Kesucian Islam tak boleh dinodai, kemuliaan Islam tak boleh dicurigai, bahkan konsep-konsep Islam tak mungkin ditukar ganti, kerana Islam diturunkan sesudah lengkap, tidak berhajat kepada sebarang pindaan, tidak perlu kepada tokok dan tambah, ia telah disusun begitu rapi oleh Maha Penciptanya, iaitu Allah *Subḥānahu wa Ta'āla*, kesucian dan kemuliaannya tetap akan terjamin hingga ke hari kiamat, walau pun orang-orang yang menentangnya mendatangkan berbagai-bagai angkara mereka untuk memudarkan sinaran cahayanya yang sedang memancar gilang-gemilang ke seluruh alam semesta, mereka tidak akan berjaya dan akhirnya mereka akan kecewa. Sebagaimana yang telah ditegaskan Allah di dalam firman-Nya yang berbunyi: "*Huwa alladī arsala rasūlāhu bi'l-hudā wa dīni al-ḥaqqa li yuzhirahu 'alā al-dīn kullīhi walau kariha al-mushrikūn*". Ertinya: "Dia (Allah) yang mengutus rasul-Nya dengan pertunjuk dan agama yang benar, supaya ditingikkannya agama itu di atas segala agama, sekali pun dibenci oleh orang-orang musyrikin." (*Sūrah al-Tawbah 34*²).

Sidang Jumaat yang mulia:

Ayat di atas terang sekali Allah menyatakan bahawa ia telah mengutus rasul-Nya Sayyidina Muhammad *sallā Allāhu 'alayhi wa sallam* ke alam dunia ini dengan membawa pertunjuk ke jalan yang benar dengan melalui agama Islam, agama yang tertinggi daripada segala agama di dunia ini, walau pun dengan kelahiran agama Islam yang dibawa oleh Nabi Muhammad itu menimbulkan perasaan benci dari golongan orang-orang musyrikin,

¹ Perkataan sebenarnya adalah *jam'iāt*.

² Sebenarnya ayat 33

Khutbah Jumaat . . .

tetapi semuanya itu tidak mendatangkan kesan yang buruk di atas kelahiran Islam. Walau bagaimana hebat tentang-tentangan yang ditunjukkan oleh orang musyrikin terhadap Islam, namun begitu cahaya kebenaran yang dibawa oleh Islam tetap memancar menembusi seluruh pelosok kegelapan alam buana.

Setelah itu Allah memerintahkan supaya setiap orang yang telah mengikuti ajaran-ajaran Islam mereka mestilah taat dan patuh kepada-Nya, jangan menyeleweng daripada dasar-dasar hukum Islam yang telah diturunkan Allah di dalam kitab suci al-Qur'an al-Karim hingga ke akhir hayat. Ini telah ditegaskan oleh Allah *Subḥānahu wa Ta 'āla, di dalam firman-Nya yang berbunyi: "Inna Allāha asṭafā lakumu al-dīnā falā tamūtunna illā wa antum muslimūn".* Ertinya: "Sesungguhnya Allah telah memilih agama Islam untuk kamu, maka janganlah kamu mati, melainkan kamu dalam golongan orang-orang Muslimun". (*Sūrah al-Baqarah* 132).

Wahai Ikhwan al-Muslimin!

Orang-orang Islam pada zaman ini sangat perlu mengembalikan semangat perpaduan yang telah mulai hilang dari hati nurani mereka dalam menghadapi cabaran zaman yang serba moden yang telah menghuraikan simpulan perpaduan umat Islam. Tiada jalan lain untuk kembali mempersatukan seluruh umat Islam selain daripada berpandukan ayat-ayat Allah yang terkandung di dalam al-Qur'an dan sabda-sabda Rasul Allah yang terkandung di dalam kitab-kitab hadith. Hanya dengan mengamalkan pengajaran-pengajaran ini sahajalah penyakit

perpecahan umat Islam dapat dihancurkan dan semangat perpaduan mereka dapat ditanam kembali ke dalam jiwa mereka. Apabila semangat perpaduan umat Islam telah dapat dikembalikan dan barisan mereka telah dapat dipersatukan, maka dikala itulah asas pendirian umat Islam tak kan dapat digoncang-goncang lagi oleh apa juga corak tamadun palsu yang cuba hendak meruntuhkannya. Pada ketika itu umat Islam akan kembali ke zamannya yang gemilang merupakan sebuah tembok yang kukuh yang tak mungkin runtuhan dipukul badai, sebagaimana yang telah ditegaskan oleh Rasul Allah *sallā Allāhu 'alayhi wa sallam* di dalam suatu hadithnya yang berbunyi:

*Al-mukminūl mu'minik al-ba'nyāni yashuddū ba'dahu ba'dā.*³ Ertinya: "Seseorang mukmin dengan mukmin yang lain itu seperti sebuah tembok yang melekat (berpegang-pegangan) di antara satu sama lain." Dan sabdanya lagi: "*Mathalu al-mu'minīna fī tawādihim wa tarāhūmihim wa ta'ātufuhum kamathalu al-jasadi idhā'shtakā minhu 'udwun tadā'i lāhu sā'iru al-jasadi bi'l-sahari wa al-hummā*"⁴ Maksudnya: "Perumpamaan orang-orang yang beriman itu dalam hal kasih mesra, belas kasihan dan timbang rasa di antara satu sama lain, adalah seperti satu tubuh, apabila mengadu salah satu daripada anggotanya akan sesuatu penyakit, maka seluruh anggota itu akan merasakan seksaan tak tidur dan demam."

Fa'taqū Allāha 'ibāda Allāh

Lihatlah begitu teguhnya persatuan dan perpaduan umat Islam di zaman silam sebagaimana yang telah digambarkan oleh Rasulullah *sallā Allāhu 'alayhi wa sallam*. Kalau semangat perpaduan umat

Islam dapat dikembalikan semula seperti di zaman Rasulullah, nescaya mereka akan menjadi suatu umat yang kuat, suatu umat yang sentiasa berada di barisan hadapan di antara umat-umat di dunia di dalam segala lapangan hidup.

"A'ūdhu bi Allāhi mina al-shayṭāni al-rajīm. Yā ayyuḥhā al-ladhīnā āmanū ittaqū Allāha haqqā tuqātīhi wa lā tamūtunna illā wa antum muslimūn. Wa'taṣīmū bi ḥabli Allāhi jamī'a wa lā tafarraqū, wadħkuru ni'matā Allāhi 'alaykum idh kuntum 'a'dā'a fa'allafa bayna qulūbikum fa aṣbaħtum bi ni'matihi ikhwānā. Wa kuntum 'alā shafā hufrati min al-nāri fa'anqadħakum minhā, kadhālika yubayinu Allāhu lākum āyatīhi la'allakum taħħadūn."

Ertinya: "Wahai orang-orang yang beriman! Takutlah kamu kepada Allah dengan sebenar-benar takut, dan janganlah kamu mati melainkan kamu di dalam golongan orang-orang Muslimun. Berpeganglah kamu sekalian kepada agama Allah, dan janganlah kamu bercerai-berai, ingatlah kepada nikmat Allah yang telah dikurniakkannya ke atas kamu, ketika kamu bermusuhib-musuhan dahulunya, maka dipersatukannya hati-hati kamu (dengan memeluk agama Islam), sehingga dengan nikmatnya itu kamu jadi bersaudara, ketika kamu sudah hampir ke sisi lubang neraka, maka Allah melepaskan kamu daripadanya, demikianlah Allah menerangkan ayatnya, kepadamu, mudah-mudahan kamu mendapat pertunjuk. " (*Sūrah al-Baqarah* 102-103).

Nafā'anī Allāhi wa iyyākum bi huđā kiċċabu hu qālu qawlī hadħā wa astaghfiru Allāha al-'ażīzi li wa lākum, wa lisā'iri al-muslimīna min kulli dhanbi, fa'stagħfiru hu innahu huwa al-fawz al-rahīm.

Dipetik dari:

Majalah Akhbār al-Ālam al-‘Islāmī

³ HR. Bukhari 2446, Muslim 2585

⁴ Dalam Sahih Muslim 2586 a, hadis berbunyi: "*Mathalu al-mu'minīna fī tawādihim wa tarāhūmihim wa ta'ātufuhum mathalu al-jasadi idhā'shtakā minhu 'udwun tadā'i lāhu sā'iru al-jasadi bi'l-sahari wa al-hummā*". Dalam Sahih al-Bukhari 6011, hadis berbunyi *tarā al-mu'minīna fī tarāhūmihim wa tawāddihim wa ta'ātufihim kamathali al-jasadi idhā'shtakā 'udwan tadā'i lāhu sā'iru jasadi bi'l-sahari wa al-hummā*